

Na osnovu člana 17. Zakona o Vijeću ministara Bosne i Hercegovine ("Službeni glasnik BiH", broj 30/03, 42/03, 81/06, 76/07, 81/07, 94/07 i 24/08), a u vezi sa članom 39. Zakona o zaduživanju, dugu i garancijama Bosne i Hercegovine ("Službeni glasnik BiH", broj 52/05), Vijeće ministara Bosne i Hercegovine, na 96. sjednici održanoj 20. augusta 2009. godine, donijelo je

ODLUKU

O PRIHVATANJU ZADUŽENJA PREMA MEĐUNARODNOM MONETARNOM FONDU (MMF) PO III STAND-BY ARANŽMANU (SBA) I RASPOREDU PRVE TRANŠE III STAND-BY ARANŽMANA (SBA)

Član 1.

Prihvata se zaduženje Bosne i Hercegovine prema Međunarodnom monetarnom fondu (u daljnjem tekstu: MMF) po III Stand-by aranžmanu (u daljnjem tekstu: SBA) na kreditnoj osnovi u iznosu od SDR 1.014.600.000,00 (cca EUR 1.200.000.000,00), a prema uvjetima utvrđenim u Pismu namjere potpisanog 16.06.2009. godine.

Član 2.

III - SBA se odobrava na period od tri godine, pod sljedećim uslovima:

- a) rok otplate: pet godina;
- b) grace period: tri godine, uračunat u rok otplate, počevši od dana doznačavanja prve tranše;
- c) otplata tranši: osam jednakih kvartalnih rata nakon isteka grace perioda;
- d) kamatna stopa: promjenjiva, koju određuje MMF za SDR, a trenutno ona iznosi 1,45% godišnje

Član 3.

Sredstva SBA će se koristiti kao podrška entitetskim budžetima u cilju ublažavanja efekata globalne finansijske i ekonomske krize, očuvanju kontinuiteta aranžmana valutnog odbora, uz istovremeno usvajanje politika za rješavanje fiskalnog debalansa i jačanja finansijskog sektora.

Član 4.

(1) Sredstva prve tranše SBA u iznosu od SDR 182.630.000.00 će biti uplaćena na sljedeći način:

- a) SDR 1.000.000,00 na Račun držanja SDR kod MMF-a
- b) SDR 181.630.000,00 u protuvrijednosti EUR na račun Centralna banka Bosne i Hercegovine

(2) Uplate ostalih tranši podliježu kvartalnom pregledu MMF i bit će odobravana u zavisnosti kako Bosna i Hercegovina bude ispunjavala preuzete obaveze iz Pisma namjere.

Član 5.

Ovlašćuje se Ministarstvo finansija i trezora Bosne i Hercegovine da izda Promissory note (vrijednosni papir) u iznosu od KM 402.025.060,25 što predstavlja protuvrijednost SDR 182.630.000,00 za povlačenje prve tranše III - SBA sa valutom efektivnosti i sprovede druge aktivnosti iz svoje nadležnosti vezano za povlačenje prve tranše III - SBA.

Član 6.

Ministarstvo finansija i trezora Bosne i Hercegovine će izvršiti alokaciju sredstava prve tranše III - SBA, u sljedećem omjeru:

- a) 2/3 od iznosa prve tranše bit će podpozajmljen budžetu Federacije BiH,
- b) 1/3 od iznosa prve tranše bit će podpozajmljen, budžetu Republike Srpske.

Član 7.

Podpozajmljivanje sredstava iz člana 1. ove Odluke entitetima se vrši u skladu sa Zakonom o zaduživanju, dugu i garancijama Bosne i Hercegovine ("Službeni glasnik BiH", broj 52/05) pod istim uslovima kao što je obaveza Bosne i Hercegovine prema MMF-u.

Član 8.

Za realiziranje ove Odluke zadužuje se Ministarstvo finansija i trezora Bosne i Hercegovine.

Član 9.

Ova Odluka stupa na snagu danom donošenja i objavljuje se u "Službenom glasniku BiH".

VM broj 211/09
20. augusta 2009. godine
Sarajevo

Predsjedavajući
Vijeća ministara BiH
Dr. **Nikola Špirić**, s. r.